

Мирзо Хўқандий

ЙИГИРМА ҲИКМАТ

«Тухфатул атфол» («Болалар совғаси»)

Тошкент
«Ёзувчи» нашриёти
1992

**Нашрга тайёрловчи, сўзбоши ва лугат муаллифи:
А. МАДАМИНОВ**

Ушбу рисола ҳикматлар йифиндисидан иборат. Унда кишиларни, айниқса, ёш авлодни ахлоқ-одобга, маърифатга, сабр-қаноатга, инсоф ва диёнатга, меҳр-шафқат, саховат, адолат, ростгўйлик, ота-она, кариндош-уруғ, ёру дўстларни қадрлашга, инсондўстлик каби хислатларни эгаллашга даъват этилади.

Фарғона вилояти ижодкор ёшлар уюшмаси билан ҳамкорликда нашр қилинди.

СЕРҚИРРА ИЖОДКОР

Мирзо Хайруллохон Сайд Носирхон ўғли (Мирзо, Мирзои Хўқандий) машҳур ўзбек шоири ва кўзга кўринган маърифатпарварларидан биридир.

Бўлажак шоир 1880 йилда Кўқон шаҳрининг Сайдқули қўшбеги маҳалласида (ҳозирги «Янги ҳаёт» кўчаси) ҳунарманд-косиб оиласида туғилди. Дастлаб эски усул мактабида, сўнг «Мадрасаси Бузрукхўжа»да ўқиди. Ёшлигидан адабиётга, турли ҳунарларга қизиққан Мирзо Хайруллохон устозлари мавлоно Рожий, Найирий Хўқандийлардан шеърият қонун-қоидаларини, хаттотлик санъати сирларини ўрганди, хусусий мутолаа йўли билан кўп билим ҳосил

қилди.

1910 йилда ўз маҳалласидаги мазкур мадраса қошида янги усул мактаби очиб, 1926 йилгача ҳалқ фарзандларини ўқитди, ижод этди.

1912 йилда «Маърифат» китобхонаси ва ўз нашриётини ташкил килиб, кўплаб бадиий, илмий, методик адабиётларни нашр эттирди.

Мирзо мактаблар учун бир қатор қимматли, мустақил дарсликлар тузди, улардан айримларини ўз қалами билан кўчириб чоп эттирди. Булар жумласига «Туркий аввали илм», «Рахбари алифбо» (1913), «Тухфатул-атфол» (1913), «Гулшани Мирзо», «Гулшани хаёл» кабиларни киритиш мумкин.

У истеъдодли таржимон сифатида форс тилидан «Ҳикматнома»ни, Убайд Зоконийнинг «Гурба ва муш» масалини, Абдураҳмон Жомий муаммоларини ўзбекчага ўгирган. Жинсий тарбияга оид «Лаззатун-нисо» (1916), фалакиётга доир «Ихтиёроти қамар» (1916), «Мадхали фанни нужум» рисолаларини, «Жумбоклар мажмуаси» (1916), «Умдатул — ислом» (1916) асарларини ёзди.

Хаттот сифатида кўп асарларни, жумладан устоди, шоир Роший «Зарбул-масал»ини, шогирди Ҳамза Ҳакимзоданинг «Янги саодат» (1915), «Оқ гул» (1916), «Кизил гул» (1916), «Яшил гул» (1916), «Сариқ гул» (1916). «Пушти гул» (1916), «Сафсан гул» (1917), «Атр гул» (1919) асарларини, шоир асос солган ва муҳаррирлик қилган «Кенгаш» (1917), «Хуррият» (1917) журналларини, дўсти Муҳаммаджон Холиқийнинг «Рахбари тадрис» дарслигини ҳусниҳат билан кўчириб чиқди ва мазкур китоблар унинг қалами билан чоп этилди.

Мирзо Хўқандий 1927 йилда қўқонлик бир гуруҳ шоир, хаттот, мусаввирларни, хунармандларни атрофига йиғиб. «Қуёш нури» бадиий буюмлар артелини ташкил этди. Шуни алоҳида таъкидлаш керакки, шоир жуда кўп хунар ва санъатлар соҳиби бўлган. Ойнак-кўзгу ясаш, турли буюмларга ҳусниҳатлар ёзиш, «арби баҳор» қофози, бадиий кўлёзмалар, турли бўёқлар, шиор ва рекламалар тайёрлаш сингари нодир ҳунар ва санъатларни пухта билган ва шогирдларига эринмай ўргатган.

Серқирра ижодкор Мирзо 1937 йилда бир қатор фозил дўстлари, шогирдлари билан қатағонга учради. 7 йиллик турма азобидан кейин,

1943 йилда Тошкент вилоятидаги «Ялангоч» маҳбуслар лагерида вафот этди.

Ўзининг изодий фаолиятини инқилобдан илгари бошлаган Мирзодан бизга катта мерос қолган 15 минг мисрадан ортиқ шеърлари, «Мазлума қиз» пьесаси шулар жумласидандир.

Шоир ўз асарларида кишиларни илм-маърифатга даъват этди, юксак фазилатлар сохиби, комил инсон бўлишга чакирди. Инсон шаънига ярашмайдиган ёмон одатларни, ярамас хислатларни кескин танқид қилди...

Мирзоининг долзарб мавзуларда ёзган ҳажвий асарлари, публицистик мақолалари «Янги Фарғона» (Кўқон) газетасининг «Чиғириқ» бўлимида тез-тез босилиб турган.

Ҳақ жойига карор топди: Ўзбекистон Олий Суди томонидан Мирзонинг иши қайта кўриб чиқилиб, 1958 йил 29 декабрда оқланди.

Истеъодли шоирнинг ҳаёти ва изоди Раҳматулла Холиков (мархум) томонидан маҳсус ўрганилган, номзодлик диссертацияси ёқланган.

Шоир туғилиб, изод этган шаҳардаги 33-ўрта мактабга унинг номи берилган.

Дунёдаги барча маҳлукотлардан улуғ ва мумтоз саналган инсон ўзининг шарафли номига муносиб бўлиши масаласи инсоният таракқиётининг барча босқичларида биринчи даражали иш деб ҳисобланган. Барча давр шоир, олимлари, мутафаккирлари жамият аъзоларининг юксак ахлоқ сохиби, фозилу комил кишилар бўлишлари учун жидду жаҳд кўрсатганлар. Улар кишилар сифатини яхшилаш мақсадида одоб-ахлоққа доир кўплаб ўлмас асарлар яратганлар. Атоқли маърифатпарвар шоир, олим Мирзо Хайруллохон домланинг «Тухфатул-атфол» рисоласи хам ана шулар жумласидан.

У инсон ҳаёти ва тарбияси учун зарур ва фойдали бўлган ҳикматлар — доно фикрлар баён қилинган асардир. Ахлоқ илмига оид бу рисоланинг асосини «Ҳикматнома», «Ҳикматлар ҳақидаги асар» ташкил этади.

Мирзо мазкур китобига Сўфи Оллоёр, Ҳувайдо, Фурқат каби машхур шоир-мутафаккирларнинг ҳикматли байтларини ва ўзининг пурҳикмат шеърларини, Нўширавони одилнинг доно вазири

Бузуржмехр билан Ҳиндустон ҳакими ўртасида бўлиб ўтган ибратли савол-жавобларни илова қилган.

Асарнинг мавзу доираси кенг. Унда комил инсонга муносаб юксак фазилатлар улуғланади ва тарғиб қилинади. Кишиларни, хусусан, ёш авлодни гўзал ахлоқ-одобли, илм ва ҳунарли, меҳнаткаш, собир, қонеъ, инсофли, диёнатли, саховатли, ҳалол, меҳр-шафқатли, мулойим, шириңсўз, камтар, кишиларга хайриҳоҳ, кечиримли бўлишга, дунёга ортиқча хирс қўймасликка, нафсни тийишга, ота-она, қавму-қариндош, ёру дўстларни, саломатлик ва хотиржамликни кадрлаш кабиларга даъват этилади, тил одоби, жамоат ўртасида ўзни тутиш, меҳмон кутиш одблари ҳақида қимматли насиҳатлар баён қилинади.

Муаллиф ҳақиқий инсонликка зид бўлган такаббурлик, жоҳиллик, ёлғончилик, ғазаб, туҳмат, тамагирлик, баҳиллик, дилозорлик, дунёпастлик, душманлик сингари инсон шаънига ярашмайдиган хусусиятларни қаттиқ қоралайди.

Шўро даврида китобхонларга илк бор тақдим этилаётган «Тухфатул-атфол» жамиятимиз аъзоларини, айниқса, келажагимиз бўлган ёш авлодни юксак ахлоқли кишилар қилиб тарбиялашда қимматли манба бўлиб хизмат қиласди.

Рисоланинг жорий алифбодаги матнига мазкур асарнинг асли нусхаси кўчирмаси ҳам илова қилинди. Бу — ҳар икки ёзувдаги матнни қиёслаб ўқишига, ўқувчиларнинг эски ўзбек ёзуви бўйича саводхонлигини оширишга ёрдам беради.

**Аҳмад МАДАМИНОВ,
филология фанлари номзоди.**

БИСМИЛЛОҲИР РАҲМОНИР РАҲИМ

АВВАЛҒИ ҲИКМАТ

Эй азиз! Аввал ўзунгни тонуғил, яъни кибрни йўқ қилиб, куллуғингга муқир бўл. То худойи таборак ва таолони тонигайсан.

Эй азиз! Илм ўрганурдин ва адаб ҳосил қилурдин ҳаргиз ор қилма.

Эй азиз! Охират йўлиға жидду жаҳд айлаб, яхши амал бирла тўша жамъ қилғил.

Эй азиз! Кўзни ҳар бехуда нимарсаға солмоқдин ва тилни ҳар бехуда нимарсаға юбормоқдин ва қулоқни ҳар бехуда нимарсаға тутмоқдин соқлағил.

Эй азиз! Ҳар бир узвнинг ўзиға лойик бир хизмати бордур. Ани ўзга ишға буюрмағил.

Байт:

Яхши ном истар эсанг оламда, эй яхши ўғул,
Жону дил бирла бу ҳикмат сўзини қилғил қабул.

ИККИНЧИ ҲИКМАТ

Эй азиз! Оқил ва донишмандларнинг насиҳатларин жондин ҳам азизроқ билғил ва ҳаргиз аларнинг пандларин хор тутмағил.

Эй азиз! Ҳар бир ишда шитоб ва таъжил қилмағил.

Эй азиз! Ишинг бўлса, одамини билиб буюргил.

Эй азиз! Ҳар ишни донишмандларнинг маслаҳатлари бирла қилғил.

Эй азиз! Бир синағон одамингни иккинчи бор синамағил.

Эй азиз! Жаҳондийдаларнинг сўзларини ниҳоятда улуғ билғил. Зероки, алар ҳар ишда тажриба ҳосил қилғондурлар.

Эй азиз! Ҳар ишни қилмоқда дармонда бўлсанг, билгувчилардин сўрғил.

Э й а з и з! Дунёнинг иқбол ва идборин итиёригнинг қароргоҳидин ташқари билғил.

Байт:

Эсанг оқил, бу сўзни дийдаи жонингға қил сурма,
Кўзунг оч, жаҳл элининг сафлариға ўзни сен сурма.

УЧУНЧИ ҲИКМАТ

Э й а з и з! Бир иш қилғилки, сендин элға ҳаргиз озор етмасун.

Э й а з и з! Ўзунгни доимо тақво ва парҳезкорлиқға ёр қилғил.

Э й а з и з! Ҳамма умрунгни бир кунлик ва бу дунёни охират зироатгоҳи деб англағил ва оғият ва тандурустликнинг қадрин билғил.

Э й а з и з! Бу оламнинг сафҳасига бир яхши отингни биттуруб ва ямон отингни йитурғил.

Байт:

Соқлағил бир яхши от ўзунгға, асло ўлмасун,
Эй Ҳувайдо, соқлағунча йилқида минг яхши от.

Э й а з и з! Ҳеч кишининг ранж ва ғамиға шодмон бўлмағил.

Э й а з и з! Ҳар ишнинг ўтғонига ва ҳар бир нимарсанинг синфонига ва тўкулғонига ғам емағил.

Э й а з и з! Ҳар ишни худованди таолонинг тақдиридин билғил.

Байт:

Оқил эрсанг, сабр айлаб ҳар замон,
Қилма синғону тўкулғонға фифон.

ТЎРТУНЧИ ҲИКМАТ

Эй азиз! Ғамлиқ ва дардлик кишиларнинг ҳолларидан ибрат олғил.

Эй азиз! Мавридлик зиённи bemavrid etgon foidadin yaxshi bilғil.

Эй азиз! Xaloyiklар birla xar iшда madoro қилғил va xar erda madoro bўlsa, boш қайtarmaғil.

Эй азиз! Ўз andozangdin taşqari қадam қўйmaғil.

Эй азиз! Xar erda tuхmat va ғazab bўlsa, andin yirok bўлғil.

Байт:

Бўлса туҳмат birla xar erda ғazab,
Ўzni sen қилғil dур, ey ҳақ talab.

Эй азиз! Ямон одамлардин инъом олмағil.

Эй азиз! Nokas va badasl kишилар birla umr ўtkarmaғil. Сўфи Olloёr debdurlar.

Байт:

Bашар bўlsang, қўй afъoli ба sharni,
Abas ўtkarmaғil iшни, aшарни.

БЕШИНЧИ ҲИКМАТ

Эй азиз! Xар iшни ўз қадр va martabaniga loyik қилғil.

Эй азиз! Xар nimirsa ёки birovfa inъom қilsang, yana қайtariib olmaғil.

Эй азиз! Xеч kимдин эҳсонингни dariғ tutmaғil.

Эй азиз! Buzurglarning bu sўzlariғa назар қилғil. қилғil.

Байт:

Забаржад тоқ уза олтун ила бу сўз ёзилмишдур:
«Қарам аҳлининг эҳсонидин ўзга қолмағак боқий».

Э й а з и з! Ҳар сўзда зинҳор тилингни ва ҳар ишда қўлунгни соқлағил.

Э й а з и з! Одамлар писанд қилмас ишни ҳаргиз қилмағил.

Э й а з и з! Ямон ҳамнишинлардин йироқ бўлуб, алар бирла сухбат тутмағилким бу тўғригадур мавлоно Фурқатий Хўқандийнинг бу байти:

Байт:

Ножинс суҳбатидин жон борича қочинглар,
Дўзах аро, чунончи, маъво қилиб бўлурму?!

Байт:

Фитроки ғамга ташла, жон булбулин кесиб бош
Зоф ичра айлағунча олтун қафасда ҳамроҳ.
(Мирзо).

ОЛТИНЧИ ҲИКМАТ

Э й а з и з! Экин экмоқчи бўлсанг, шўрлиқ ерларға экмағилким,
Сўфи Оллоёр дебдурлар:

Байт:

Билиб, жойиға эк кадди яминни,
Зироат айлама шўра заминни.

Э й а з и з! Авом ҳалқиға қўшулмағил ва яхши кишиларнинг

сұхбатларидин қолмағил.

Эй азиз! Нокас ва бадасл одамлардин қиз олуб ва аларға қиз бермағил.

Эй азиз! Одамларнинг қул ва хизматкорлариға сўз ўргатмағил.

Эй азиз! Ҳар кишиким худойи таолодин қўрқмаса, сен андин кўрқғил.

Эй азиз! Аҳмақ ва маст одамларға панд бермағил.

Байт:

Яхши бўлмайдур ямон, ҳарчанд насиҳат айласанг,
Яхшиға панду насиҳат айламак даркор эмас.

ЕТТИНЧИ ҲИКМАТ

Эй азиз! Ўз насиҳатингнинг қадрини яхши билиб, арzon баҳоға сотмағил.

Эй азиз! Андоғ одамға насиҳат қилғилким, жону дил бирла қабул қилса.

Эй азиз! Зердастларға тараҳҳум бирла бўлғил ва ҳаргиз дилозорлиқнинг йўлиға юрмағилким, эшон Ҳувайдо айтибдурлар:

Байт:

Аёғим остида деб мўрчаега зулм этма,
Ки, тонгла зулм элиға азобу меҳнат эмиш.

Улуғлуқ айлама зинҳор, ўзунгни тутғил кам,
Фақиру зору ҳақирлик на хуш фароғат эмиш.

Эй азиз! Маъюслиқ ва бечоралиқға шукр айлағил ва фақири мутакаббир бўлмағил.

Эй азиз! Очларнинг назарларида таом емағил ва кишиларнинг сўзларини сўзламағил.

САККИЗИНЧИ ҲИКМАТ

Эй азиз! Ҳеч кимарсанинг меҳрибонлиғига қувонмағил.

Эй азиз! Худойи таолодин ўзгаға кўнгул бермағил.

Эй азиз! Ҳақ толиби эрсанг, бу тўрт нимарсадин иккисини унутва иккисини унутмағил.

Эй азиз! Аввал сендин элға етгон яхшиликни, иккинчи элдин сенга етгон ямонлиқни унутғил.

Эй азиз! Аввал худойи таолони, иккинчи ўлумни унутмағил.

Эй азиз! Хотунлар ва гўдаклар бирла ҳамсухбат бўлуб, алар бирла маслаҳат қилмағил.

Эй азиз! Ажнабий хотунларни уюнгга киргузмағил.

Эй азиз! Такаббур ва паришон одамлардин йироқ бўлғилким, алар сенинг кибринг ва паришонлиғингга сабаб бўлурлар.

ТЎҚҚУЗУНЧИ ҲИКМАТ

Эй азиз! Меҳмонни ниҳоятда азиз тутғил ва бу Ҳадиси шариф мазмуниға амал қилғилким, расули акрам саллоллоҳу алайҳи ва саллам айтибдурлар:

«Ақримуз-зайфа ва лав кона кофиран».

Эй азиз! Халқдин тамаъ риштасини узғил ва қаноат баҳрида болиқ каби юзғилким, Сўфи Оллоёр айтибдурлар:

Байт:

Тамаъ нониға лаб очғунча, ўл оч,

Тамаъ бўйи кўрунмай, бўйидин қоч.

Эй азиз! Ота ва онангнинг ҳақларини ниҳоятда улуғ соқлағил ва аларнинг хизматларини жону дил бирла адо қилғил.

Эй азиз! Қариндош-уруғларингдин мувосалат риштасини узмағил ва силаи раҳм иморатини бузмағил.

Э й а з и з! Сендин ҳар киши ҳожатини тиласа, қўлунгдин келса,
куруқ ёндумрагил.

ЎНУНЧИ ҲИКМАТ

Э й а з и з! Ҳар ким сенга илм ўргатса, андин ор қилмагил.

Э й а з и з! Ҳар ким илм ўрганурдин ор қилса, ани одам билмагил.

Э й а з и з! «Саломат ул-инсон фи ҳифз ил-лисон» мазмунига амал
қилғил, яъни саломатликни тилни соқламоқдин билғил.

Э й а з и з! Нажот топмоқни рост сўзламоқдин билғил.

Э й а з и з! Бу назмға чин кўзунг бирла назар қилғилким, назм:

Ростлиқни кими қилур изхор,

Анинг ёри ҳамиша биру бор.

Ҳар киши феъли бадни айлади фош,

Қилди ул ўзиға ямон йўлдош.

Э й а з и з! Ҳаргиз ношойиста сўзни ўйламай сўзламагил.

Э й а з и з! Оғиздин чиқғон сўз камондин чиқғон ўқға ўхшарким,
қайтариш муҳолдур.

Э й а з и з! Ҳар ерда танхомен деб, сўзнинг дафтарини очмагилким,
масал бордурким: «Сархорнинг кўзи ва деворнинг қулоқи бор»

ЎН БИРИНЧИ ҲИКМАТ

Э й а з и з! Подшоҳларни ғийбат қилмагил.

Э й а з и з! Тилингни ямон сўзга одат қилдурмагил ва ямон сўзга
кулоқ солмагил.

Э й а з и з! Ҳар бир ишни тилға жорий қилсанг, ани қилмасдин
кўймагил.

Э й а з и з! Ҳарна айғонингға амал қилғил.

Э й а з и з! Ҳар кимға ваъда қилсанг, бир ишни қилмоқ учун ва ё бир
жойга бормоқ учун, албатта ул кишини мунтазир қилмагил. Зероки,

мунтазирлиқни ўлум бирла баробар, дебдурлар.

Э й а з и з! Агарда бир ишнинг уҳдасидин чиқмасанг ва ё бир жойга боролма-санг, ҳаргиз бировға ваъда бермагил.

Байт.

Бировға ваъда бергил, уҳдасидин гар чиқар бўлсанг,
Вале килмай вафо аҳдингға, бўлма юз қаролардин.

ЎН ИККИНЧИ ҲИКМАТ

Э й а з и з! Бузургларнинг зиёратлариға рағбат айлағил ва яхшиларнинг муҳаббатлариға мойил бўлғил.

Э й а з и з! Кечаю кундуз илм ўрганурға ҳарис бўлғил ва ҳеч бир ишни беилм қилмагил.

Э й а з и з! Илм ўрган. Илмнинг фойдаси икки дунёда тегар.

Э й а з и з! Ҳамма муродларнинг калиди илмдур. Илмсиз ҳеч мақсад йўли очилмас.

Назм:

Азизим, бил, муродинг, борича жон илми дин иста,
Бўлай десанг икки оламда султон, илми дин иста.

Дилинг торикини илми «Ақоид»дин мунаvvар қил,
Танинг дардиға бўлғай ва тонгла дармон, илми дин иста.

Ҳавас айёмида ўткарма умринг, жумла мақсадни
Қилиб, борича жонинг саъй, чандон илми дин иста.

Талаб бехуда қилма, ўзгадин матлаб топилмайдур,
Агарда оқил эрсанг, эй сухандон, илми дин иста.

ЎН УЧУНЧИ ҲИКМАТ

Э й а з и з! Ҳар кишининг сўзиға ишонмагил ва яхши сўз бўлса,

ҳар кишидин эшитғил.

Эй азиз! Ҳар рост ва ялғонға онт ичмағил.

Эй азиз! Охиратни бу дунёдин ортуқ билғил.

Эй азиз! Етимларнинг моллариға яқин бўлмағил ва ҳеч кишига ҳасад қилмағил.

Байт:

Эй азиз! Ўйлаб, қариликдин уёт,
Пирлиқ корин йигитликда тузот.

Эй азиз! Ёшлиқда бу умри гаронмояни ҳар бир ишға ўйламай сарф қилмағил.

Эй азиз! Бу дунёning ҳавою ҳавасига банд ўлмағил. Ҳайвонлар каби емоқ ва ичмоқ фикрини ташлағил.

Бақияи ғазал.

Агар саъйинг зиёда, ўзга иш илмини билсанг, бил,
Вале лозим сенго ислому иймон, илми дин иста.
Кўрарсен, ўзга миллатлиқ ўзин илмиға мохирдур.
Сен, эй Мирзо, бериб миллат учун жон, илми дин иста.

ЎН ТЎРТУНЧИ ҲИКМАТ

Эй азиз! Қиши кунларида кераклик ишларингни ёз кунларида саранжом қилғил.

Эй азиз! Қиши кунларида ҳеч ким ўз ватанидан ўзга ерға сиғмас.

Эй азиз! Букун қиладурғон ишларингни тонглаға қўймағил.

Эй азиз! Ҳар ишға чусту чолоқ бўлғил.

Эй азиз! Тандурустлиқ вақтингда дору истеъмол қилмағил.

Эй азиз! Агарда одат қилғон бўлсанг, ҳар йил вақти бўлғонда, қон олдурғил.

Эй азиз! Ҳар ишни қилур бўлсанг, онинг қилмоқида андиша

ҚИЛГИЛ.

Эйазиз! Андиша қилмасдин қилғон ишингдин заар қўрсанг, дилгир ва ғамгин бўлмағил.

Эйазиз! Ўзунгнинг бошингга тушгон ишни зинҳор яна бир мўъминнинг бошиға солмағилким, мардлиқдин эмастур.

ЎН БЕШИНЧИ ҲИКМАТ

Эйазиз! Олийҳимматлиқға ўзунгни олғил ва баҳиллиқдин йироқ солғилким, сахо учун ваъдалар ва бухл учун ваъидлар сонсиз ва поёnsиз ворид бўлғондур. Эй азиз! Агар ҳожатинг бўлса, жавонмард кишиларни истагил ва нокас ва пастфитратлар қошлариға эҳтиёжингни элтмағил. Эй азиз! Ҳеч кишидин яхшилиғингни дариг тутмағил ва кимики сенга яхшилиқ қилса, ани унутмағил.

Эйазиз! Бу дунёни икки эшиклиқ саройдин ўзга билмағил ва манзили қарор эътиқод қилмағил.

Эйазиз! Оламнинг фитна ва оғатидин ҳазар қилмоқликға чирмағил, то қўлунгдағи нақдингни қароқларға ройгон бермағил. Эй азиз! Қоронғу йўлға бечароф юрмағил.

ЎН ОЛТИНЧИ ҲИКМАТ

Эйазиз! Ҳунар ўргонғилким, ҳунар чашмаи равон ва давлати бепоёндур. Эй азиз! Ҳунармандларни зарга ўхшош, дебдурлар. Яъни ҳар киши аларни азиз ва му-каррам тутғай ва бехунарларни харга ўхшош, дебдурлар. Яъни ҳар киши аларни хор ва дижам тутғай.

Эйазиз! Сиррингни ҳар кимсаға — хоҳ дўст бўлсун ва хоҳ душман, изҳор қилмағил. Агар душман бўлса, айби зоҳирдур ва агар дўст бўлса, бир куни душман бўлмаслиқин муқаррар билмағил. Эй азиз! Бу байт манзариға назар ва анинг фикрига гузар қилғил.

Байт:

Бўлмағил ҳар кимга жонинг бирла йўлдош, ўзгадур,
Айтмағил ҳар кимсаға сирринги, сирдош ўзгадур.

Э й а з и з! Ёшурун сўзға қулоқ солмағил ва суханчинлиқ тўнин эгнингға олмағил.

ЎН ЕТТИНЧИ ҲИКМАТ

Э й а з и з! Ҳар қачон улуғлар сұхбатлариға ноил ва мажлислариға восил ўлсанг, ҳар тарафға қўз ташламоқдин қолғил ва ҳар сўзға тилни юбормоқдин ўзни хомушлиқға олғил. Эй азиз! Агарда алардин бирлари сендин сўз сўрса, ўз ҳолингға боқиб жавоб берғил ва жавоб бермоқлиқда таъзим гавҳарин адаб риштасиға терғил.

Э й а з и з! Ҳеч лаззат дунёда тангри таолони ёд қилмоқча ва аниңг зикрин ўзға ёр билмоқча эмас. Эй азиз! Ҳар кишиким ҳаёти айёмида ҳақ таолонинг ёди бирла ширинком ўтгон бўлса, жон берур вақтида талхком бўлмас ва ўзига ажалнинг шарбати ичурулса ҳар, қалби ўлмас. Эй азиз! Ҳақ таолонинг ёди бандаларға неъмати узмо ва давлати кубродур.

ЎН САККИЧИНЧИ ҲИКМАТ

Э й а з и з! Ҳеч кимни хор тутмагил, тубанда бирор бўлса, юқоридин ўтмағил.

Э й а з и з! Ул душманки дилининг зироатгохиға адоват тухмин сочгон бўлса, ҳаргиз андин бир умид қилмағил ва бу умид заҳри била ҳаёт руҳи талассузидин айрилмағил.

Э й а з и з! Дўстларнинг қадру қийматларини улуғ билғил ва алардин сахл сўз бирла жудо бўлмаслиқни азм қилғил.

Э й а з и з! Икки тоифа одам раъйининг хилофини қипмоқ савобдур. Бири ақлсиз одамнинг, яна бири душманнинг. Зероки, ақлсиз одам фойда деб, зарарға бошлар ва душман нафъ деб, хатарға тошлар.

Э й а з и з! Дўстрў душманға қараб кулмағил ва анинг макридин эмин бўлмағил.

Э й а з и з! Ҳар кишики сенга бадхўйлик қилса, ани афв қилғил.

ЎН ТЎҚКУЗИНЧИ ҲИКМАТ

Э й а з и з! Амонлиқда худойи таолодин кўпроқ кўркғил.

Э й а з и з! Оламнинг бало ва оғатиға сабр қилғил.

Э й а з и з! Фароҳлик вақтида танглик кунларни унутмағил.

Э й а з и з! Бир кўрмок бирла ҳар кишининг меҳрибонлиқига фирефта бўлмағил.

Э й а з и з! Тамкинлик кишининг меҳру вафоси ҳарчанд суст бўлса ҳам, эътимод қилғилким, анинг вафосида бақо кўптур. Эй азиз! Кўргилким, хас ўтун тез ёниб, тез ўчқай ва қоттиғ ўтин суст ёниб, неча муддат турғай.

Э й а з и з! Халқнинг айбиға кўзунгни очмағил ва ўз айбингға назар қилмоқ ва огоҳ бўлмоқдин қочмағил.

Байт:

Сен ўз айбингни фикр айла ду бора,
Бирорнинг айбиға қилма назора.

ЙИГИРМАНЧИ ҲИКМАТ

Э й а з и з! Бефойда дўстдин йироқ бўлғил.

Э й а з и з! Душманнинг макридин андиша қилғил ва агар сенга дўст сувратида кўрунса, андин эмин бўлмағилким, душманлиқда кила олмағон ишларни дўст бўлуб туруб қилғай.

Э й а з и з! Саъй қилғил ва қўшиш айлағил, то бир фазл ва камоле ҳосил қўлғилким, фазлсиз ва камолсиз одамнинг тириклигидин ўлгони бехроқдур.

Э й а з и з! Рост сўзни осмондин ҳам улуғроқ билғил.

Тамом бўлди «Ҳикматнома»нинг таржимаси.

НЎШИРАВОННИНГ ВАЗИРИ БУЗУРЖМЕХРДИН ҲИНДУСТОН ҲАКИМИНИНГ САВОЛ ҚИЛГОНИ ВА АНИНГ БЕРГОН ЖАВОБИ

- Некбахт кимдур?
- Некбахт ул одамдурки, тоати кўп бўлса гуноҳидин ва хайри ортуқ бўлса шарридин.
- Бадбахт кимдур?
- Бадбахт ул одамдурки, тоати оз бўлса гуноҳидин ва хайри оз бўлса шарридин.
- Тоат кимдадур?
- Тоат амали солиҳ қилғон кишидадур.
- Амали солиҳ қайсикур?
- Амали солиҳ худойи таолонинг улуғлиғини билмоқ ва халқи худоға шафқат қилмоқдур.
- Раҳмати худой халқға қайсикур?
- Худонинг раҳмати халқға лукмаи ҳалолдур.
- Инсоф қайсикур?
- Инсоф улдурки, ҳар ким ўзиғараво кўрмагон заарни кишига ҳамраво кўрмаса.
- Кимдур ўзиғараво кўрмагон заарни кишиғараво кўрғай?
- Хасис, паст ҳиммат ва лайм, ҳосид кишиға ямонлиғнираво кўярар.
- Одамнинг яххиси кимдур?
- Оқил ва донолардур.
- Оқил ва донолар қайсикур?
- Оқиллар ва донолар ул одамлардурким, ҳар ишни охириға боқиб шуруъ қилур.

- Кайси душман одамға ямонроқдур?
- Нафс одамға душмани қавийдур.
- Нафснинг душмани кимдур?

- Нафснинг душмани фанодур.
- Фанонинг нишонаси қайси дур?
- Фанонинг нишонаси некукорлиқ ва камозорлиқ дур.
- Некукорлиқ ва камозорлиқ қайдин пайдо бўлур?
- Некукорлиқ ва камозорлиқ фориғдиллиқдин ва тақдири ҳақға рози бўлмоқдин пайдо бўлур.
- Фориғдиллик қайси дур?
- Фориғдиллик сабр қилмоқдур.
- Беайб кимдур?
- Беайб худойи таолодурким, ҳаргиз нуқсон топилмас ва тағиyr анинг зотига раво эмас, аммо маҳлуқ беайб бўлмас.
- Кайси нимарса одамиға фойдалиқ дур?
- Уламо ва ҳукамоларға машварат қилмоқ ва ишларни фикр ва андиша бирла қилмоқ.
- Кайси одам бу оламда хуррам ва бегамроқдур?
- Улки охиратға зоду тўшасин юборгон бўлса ва бу дунёй фоний муҳаббатидин озод бўлғон бўлса.
- Кайси хислатдурким одамиға ҳамадин писандидароқдур?
- Ҳамадин одамға писандидароқ хислат душманға зафар топғондин сўнгра афв қилмоқдур.
- Олим бехроқму ё шужоъёғозий?
- Олим бехроқдур. Зоро, илмнинг фойда ва ман-фаати ҳам ўзиға тегар ва ҳам халқға.
- Олимлардин қайси бехроқдур?
- Олимлардин ул бехроқдурким, илми била амал қилса.
- Подшоҳлардин қайси бехроқдур?
- Ул подшоҳ бехроқдурким, одил ва хушхўй бўлса, ғазаб вақтида афв қилса, беакл ва бедиёнатларни сардор қилмаса. Нечунким, нафспарвардин ҳаргиз инсоф ва диёнат келмас. Бақои мулк адлга боғлиқдур. Ҳарчанд подшоҳ одилдур, мулк осудароқдур.
- Илмнинг офати қайси дур?
- Илмнинг офати улдурким, дил ва захрасига эътимод қилиб, ўзини хатарлиқ ерларға урса ва душмандин андиша қилмаса.
- Ул нимадурким бандаға худо учун қилмоқ вожиёдур?
- Ул шукри неъматдурким, худойи таолоға бажо кетурса.

- Ул нимадурким андин жон аччиғи ортар?
- Улдурким, тириклиқда ўунга машғул бўлса.
- Ул нимадурким андин жон аччиғи осон бўлур?
- Худотарс бўлса.

БУЗУРЖМЕҲРНИНГ САВОЛИ, ҲАКИМИ ҲИНДНИНГ ЖАВОБИ

- Қайси хислатдурким одамни паст мартабадин аъло даражага еткуур?
- Одамни паст мартабадин аъло даражага еткуур хислат ақл ва тамиздур.
- Одами на нимарса бирла одамдур?
- Одамининг одамлиғи одамият бирладур, бўлмаса, ҳайвондор.
- Тавонгар кимдур?
- Қаноат ва ризолиғ, бири сўз бирла нафсни зердаст қилмоқ ва бири анинг муродига бормаслиқ.
- Адаб одамиға не фойда берур?
- Адабнинг фойдаси улким, ҳеч кимга ўз тенгларидин муҳтоҷ бўлмас, балки анга алар муҳтоҷ бўлурлар ва катта ва кичик одамлардин сарзаниш тегмас ва ҳама ани дўст тутарлар.
- Оқилға ақлдин нима фойда?
- Оқилға ақлдин фойда улдурким, ғами беҳида едурмас ва ҳар ишда сабрни пеша қилдуур.
- Ул нимадурки ҳамадин аччиғдур?
- Ноаҳлларға муҳтоҷ бўлмоқлиқ ва алардин ямон сўз эшиитмоқлиқ ва нокаслардин жавру жафо кўрмоқлиқ.
- Оқилға қайси иш яхшидур?
- Ўлумни ёд қилмоқ ва ўлғонлардин ибрат олмоқким, алардин ўзга мол қолса (Жумланинг давоми босилмай қолган — А. М.).
- Ул нимадурким одамға андин йироқ бўлса, ҳеч алам ва пушаймонлиқ бўлмас?
- Ҳамш ва такаббур ва ужбурким, ушбулардин йироқ бўлса, кишиға фойдадур ва армон бўлмас.

- Амаллардин қайсиси яхши ва беҳроқдур?
- Қазоға рози бўлмоқлиқ ва тақдир ва қисматга бўюнсунмоқлик.
- Оқил кимдур ва зийрак кимдур?
- Оқил улдурким, оқибатандиш бўлса ва ҳар ишнинг охирин ўйласа ва зийрак улдурким, кейин келур воқеани илгари билиб, тадбир қилса.
- Одамға ҳамадин нима айбдур?
- Бахиллиқ қилмоқ ва ялғон айтмоқ ва суханчинлиқ қилмоқ ва оз гуноҳ бирла қадимги дўстлардин юз ўгурмоқ ва ўз айбини билмай, кишининг айбини ошкор қилмоқ.
- Одамға мол яхшидурму ё ақл?
- Одамға ақл яхшидур. Нечукким, ақл бирла молни қўлға кетурса бўлур ва лекин мол бирла ақлни қўлға кетуруб бўлмас.
- Умрни нимага сарф қилмоқ керак?
- Илмнинг таҳсилиға сарф қилмоқ керак.
- Илм нима ҳосил берур?
- Илм ўқуғучи агар кичик бўлса улуғ ва агар фақир бўлса, тавонгар бўлур.

Алҳамдуиллаҳ, ало ахтом ва-с-салоту ало Мұхаммадин саййидул аном ва ало олихи ва асҳобиҳил киром, ки авоҳири жумодус — сонийда сесланба куни сана 1331 да битилиб, тамом бўлди ушбу «Тухфат ул-атфол» рисоласи.

ЭСЛАТМА: Мазкур рисола унвонида унинг илми ахлоқдан биринчи жузв бўлиб, муаллиф Мирзо ташаббуси билан Хўқанд шаҳрида, Шумаков матбаасида нашр этилганлиги қайд этилган.

Асарнинг қачон чоп этилганлиги ҳакида маълумот йўқ. У кўчирилган йили — хижрий 1331 (милодий 1913) йилда босилган бўлиши мумкин.

ЛУҒАТ

Абас — беҳуда.

Адл — тўғрилик.

«Акримуз-зайфа ва лав кона кофиран» — «Мехмон агар кофир бўлса ҳам, уни иззат-икром қилинглар»

(арабча), ҳадис.

Амали солиҳ — яхши ишлар.

Афъоли ба шарр — ёмон феъллар.

«Ақоид» — диний эъти-қод ҳақидаги асар.

Бадхўй — ёмон феълли.

Башар — одам, инсон.

Баҳр — денгиз.

Беҳ — яхшироқ.

Биру бор — худо, тангри.

Бухл — баҳиллик.

Бузург — улуғ, катта.

Ваъид — огоҳлантириш, таҳдид.

Борид бўлмоқ — кирмок.

Гузар қилмоқ — ўтмоқ.

Далир — ботир, кўрқмас.

Дармонда бўлмоқ — кийин аҳволда бўлмоқ, ночор қолмоқ.

Дижам бўлмоқ — эзилмоқ, хор бўлмоқ.

Дилгир бўлмоқ — хафа бўлмоқ.

Дунёи фоний — ўткинчи Дунё.

Дур қилмоқ — узоқлаштирумок.

Ёндурмоқ — қайтармок,

Жавонмард — олийхимматли ёш йигит.

Жаҳл эли — билимсизлар, нодон кишилар.

Жаҳондийда — дунё кўрган киши.

Жидду жаҳд айламак — ҳаракат қилмоқ.

Забаржад — қимматбаҳо тош.

Захра — ўт, сафро.

Зердаст — тобеъ, заиф.

Зироатгоҳ — экинзор.

Зод — озиқ-овқат, дастмоя, руҳий озиқ.

Зоҳир — кўриниши.

Идбор — баҳтсизлик.

Йитурмоқ — йўқотмоқ.

Кадди ямин — меҳнат, азоб.

Кибр — мағрурлик.

Карам аҳли — сахийлар.

Кубро — энг улуғ.

Кўшиш айламоқ — ҳаракат қилмоқ.

Маврид — ўринли.

Матлаб — талаб қилинган.

Махлук — яратилган.

Маъво — ўрин, жой.

Мувосалат — боғланиш, бир-бирига етишиш.

Мулк — мамлакат, шаҳар.

Мунаввар қилмоқ — ёритмоқ.

Мутакаббир — манман, ўзини катта олевучи.

Муқир бўлмоқ — икрор бўлмоқ.

Мухол — қийин, иложсиз.

Мўрчае — бир кичик чумоли.

Мўъмин — имон келтирган киши.

Назора қилмоқ — қарамоқ.

Нафспарвар — нафс бандаси, очкўз.

Нақл — хикоят қилиш, ривоят қилиш.

Некбахт — баҳтли.

Некукор — яхшилик, қилувчи.

Ноаҳл — 1) аҳил змас, ёт, бегона; 2) тубан, паст.

Ножийс — ярамас.

Ноил бўлмоқ — эришмоқ.

Нокас — пасткаш, очкўз, хасис.

Ношойиста — номуносиб.

Офият — соғлиқ, тинчлик.

Оқибатандиш — оқибатни ўйловчи, мулоҳазали.

Пастфитрат — пасткаш, паст табиатли.

Пир — кекса, қари.

Писандида — ёқимли.

Ришта — ип.

Ройгон бермоқ — бекорга бериш.

«Саломатул-инсон фи ҳифз-ил-лисон» — «Инсоннинг саломатлиги — тилни тиийшда» (**арабча**), ҳадис.

Сардор — бошлиқ.

Сархор — тикан.

Сахо — сахийлик.

Саъй — ҳаракат.

Саҳл сўз — арзимас сўз.

Силаи раҳм — мурувват.

Суханчин — чақимчи.

Таборак — худонинг сифатларидан бири.

Таоло — улуғ, олий.

Талаззуз — лаззатланиш.

Талхком — аламзада.

Тамкин — оғирлик, вазминлик.

Тараҳхум — раҳм қилиш.

Таъжил қилмоқ — шошилмоқ.

Тақво — парҳез қилиш, ножӯя ишлардан ўзини сақлаш.

Тонгла — эрта.

Торик — коронғи.

Ток — бино тепасидаги гунбаз.

Тўша жамъ қилмоқ — йўл озиғи жамламоқ (охират ғамини емоқ).

Ужб — такаббурлик, манманлик.

Узв — қисм, аъзо.

Узмо — энг улуғ, энг катта.

Умри гаронмоя — қимматбаҳо умр.

Фирефта бўлмоқ — алданмоқ.

Фитрок — эгарнинг икки ёнидаги тасма.

Хар — эшак.

Хашм — аччиқ, ғазаб.

Хомушлик — камгаплик.

Худотарс — худодан қўрқувчи.

Хушхўй — хушфеъл.

Чашмаи равон — оқиб турган булоқ.

Чирмамоқ — ўрамоқ, айлантирмоқ.

Чусту чолок — чаққон, эпчил.

Шарр — ёмонлик.

Ширинком — хурсанд, хушвақт; баҳтиёр.

Шужоъ — шижоатли.

Шуруъ қилмоқ — киришмоқ.

Эмин бўлмоқ — хотиржам бўлмоқ, бехавотир бўлмоқ.

Эътимод қилмоқ — ишонмоқ.

Қавий — қувватли, зўр.

Қароқ — қароқчи, йўлтўсар.

Ғамгин бўлмоқ — қайгули бўлмоқ.

Ғозий — газот килувчи, урушда енгган.

Ҳадиси шариф — Мұхаммад пайғамбар сўзлари.

Ҳамнишин — бирга ўлтирувчи, улфат.

Ҳарис бўлмоқ — очкўз бўлмоқ, бир нарсага ортиқча берилмок.

Ҳақирип — камситилган.

Ҳукамо — ҳакимлар, доялар.

МУНДАРИЖА

Серкирра ижодкор

Мирзо Хўқандий. «Тухфатул Атфол»

Лугат

Илова